

# ՊԱՅՄԱՆԱԳԻՐ

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅԱՆ ԳԻՏՈՒԹՅԱՆ ՊԵՏԱԿԱՆ ԿՈՄԻՏԵԻ ԵՎ

ԱՐԴՈՒՄ ՍԱԼԱՄԻ ԱՆՎԱՆ ՏԵՍԱԿԱՆ ՖԻԶԻԿԱՅԻ ՄԻԶԱԶԳԱՅԻՆ ԿԵՆՏՐՈՆԻ  
ՄԻԶԵՎ

## ԿՐԹՈՒԹՅԱՆ ԵՎ ԳԻՏՈՒԹՅԱՆ ՈՒՐՈՏՆԵՐՈՒՄ ՀԱՄԱԳՈՐԾԱԿՑՈՒԹՅԱՆ ՄԱՍԻՆ

Հայաստանի Հանրապետության կրթության և գիտության նախարարության գիտության պետական կոմիտեն (ԳՊԿ) և Արդուս Սալամի անվան տեսական ֆիզիկայի միջազգային կենտրոնը (ՏՖՄԿ) (այսուհետ՝ Կողմեր), գիտակցելով համագործակցության կարևորությունը՝ որպես Հայաստանի Հանրապետությունում ֆիզիկամաթեմատիկական գիտությունների բնագավառում իրականացվող հետազոտությունների խթան, սույն Պայմանագրով ստանձնեցին հետևյալ պարտավորությունները.

### ԳՊԿ՝

Ա. 50 000 եվրո միանվագ ներդրում ՏՖՄԿ հանգանակային ֆոնդին,  
Բ. 10 000 եվրոյից ոչ պակաս տարեկան ներդրում ՏՖՄԿ ծառայությունների համար.

### ՏՖՄԿ՝

Հիմք ընդունելով վերոնշյալ «Ա» և «Բ» կետերը՝ ՀՀ գիտության ոլորտի պատասխանատուն կամ վերջինիս կողմից նշանակված անձն իրավունք ունի դառնալու ՏՖՄԿ միջազգային գործունեության խորհրդի անդամ: Վերոնշյալ խորհուրդն ուսումնասիրում և առաջարկություններ է ներկայացնում ՏՖՄԿ միջազգային գործունեության վերաբերյալ՝ հատուկ ուշադրություն դարձնելով բոլոր մակարդակներում ընթացող համագործակցային գործընթացներին՝ անկախ պետությունից կամ տարածաշրջանից:

Բացի այդ, ՏՖՄԿ-ն, համաձայնելով ներդնել «Բ» կետում նշված գումարի չափից ոչ պակաս միջոցներ, պարտավորվում է.

1. Հայաստանի Հանրապետությունում կազմակերպել տարածաշրջանային դպրոցներ, գիտագործնական հանդիպումներ և գիտաժողովներ՝ համաձայն

ՏՖՄԿ արտաքին գործունեության բաժնի վարած գործունեությանը՝ եթե վերջինս համահունչ է զարգացող երկրների նկատմամբ ՏՖՄԿ առաքելությանը:

2. աջակցել հայ ուսանողների ու ակտիվ գիտական գործունեություն ծավալող մինչև 45 տարեկան հետազոտողների այցը ՏՖՄԿ՝ երկկողմ համաձայնեցված ժամանակահատվածում: Այցի ժամանակահատվածը կհամընկնի ՏՖՄԿ-ում ընթացող և զգալի նշանակություն ունեցող միջոցառումների հետ: Այցելող հետազոտողների ընտրությունը կկատարվի ՏՖՄԿ կողմից՝ ԳՊԿ առաջարկությամբ:

3. աջակցել Հայաստանի Հանրապետության և հարևան պետությունների միջև գործող տարածաշրջանային գիտահետազոտական ցանցին:

### Ապագայում՝

Կողմերը կքննարկեն Հայաստանի Հանրապետությունում համաֆինանսավորման սկզբունքով ՏՖՄԿ մասնաճյուղ հիմնադրելու հնարավորության հարցը: Մասնաճյուղի նպատակն է տարածաշրջանում ֆիզիկայի և դրան հարակից ոլորտներում իրականացվող հետազոտությունների խթանումը, ինչպես նաև կողմերի միջև գիտական տեղեկատվության, մտքի և գիտնականների փոխանակման համար միջազգային հարթակի ապահովումը:

Սույն Պայմանագիրը կնքվում է 5 (հինգ) տարի ժամկետով՝ և ուժի մեջ է մտնում ստորագրման պահից: Սույն Պայմանագիրը կարող է դադարեցվել, եթե Կողմերից որևէ մեկը երեք ամիս առաջ ծանուցում է մյուս Կողմին իր համապատասխան մտադրության մասին:

Կատարված է 2 (երկու) բնօրինակից՝ յուրաքանչյուրը հայերեն եւ անգլերեն՝ ընդ որում բոլոր տեքստերը հավասարազոր են: Սույն Պայմանագրի մեկնաբանման ժամանակ տարածայնություններ առաջանալու դեպքում նախապատվությունը կտրվի անգլերեն տեքստին:

ՏՖՄԿ կողմից՝



Ֆ. Բուլեվերդ

Աբդուս Սալամի անվան տեսական ֆիզիկայի միջազգային կենտրոն Տնօրեն

Տրիեստ, Իտալիա

ԳՊԿ կողմից՝

Ս.Գ. Հարությունյան

ՀՀ ԿԳՆ գիտության պետական կոմիտե Նախագահ

Երևան, Հայաստան

«17» 05 -----2013թ.

«17» 05 -----2013թ.